



SLUŽBENI GLASNIK OPĆINE KONJIC

Broj: 8

Konjic, 01.07.2021.



SADRŽAJ

1. Prijedlog Odluke o davanju ovlaštenja punomoćnicima za zastupanje Općine Konjic na skupštinama društava sa većinskim vlasništvom Općine Konjic 1928
2. Prijedlog Odluke o davanju na korištenje poslovnog prostora u vlasništvu Općine Konjic 1929
3. Prijedlog Odluke o davanju na korištenje i održavanje sportskog terena „Partizanovo“ Konjic 1930
4. Prijedlog Odluke o izmjeni Odluke o komunalnom redu 1931
5. Zaključak o obustavljanju postupka 1932
6. Zaključak o ispravci Rješenja Općinskog vijeća Konjic broj : 03-02-2-2204/21 1933

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE
Broj: 03-02-2-2339/21
Konjic, 30.06.2021 godine

Na osnovu člana 232. stav 2. Zakona o privrednim društvima u FBiH („Službene novine Federacije BiH broj: 81/15) člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06 i 51/09), člana 16. Statuta Općine Konjic („Službeni glasnik Općine Konjic“ broj: 4/11, 6/11 i 3/20) i člana 2 stav 2. tačka 2. Odluke o utvrđivanju standarda i kriterija za imenovanja na upražnjenje pozicije u reguliranim tijelima Općine Konjic, Općinsko vijeće na sjednici održanoj dana 30.06.2021. godine d o n o s i

ODLUKU

o davanju ovlaštenja punomoćnicima za zastupanje Općine Konjic na skupštinama društava sa većinskim vlasništvom Općine Konjic

Član 1.

Daje se ovlaštenje da u svojstvu punomoćnika, zastupaju Općinu Konjic na redovnim i vanrednim sjednicama Skupština društava sa većinskim vlasništvom Općine Konjic sljedećim državnim službenicima Općine Konjic;

1. Adnan Špago, dipl.ecc. Pomoćnik načelnika
2. Adisa Kevrić, dipl.ecc. šef odsjeka,
3. Aida Hakalović, dipl.ecc. stručni saradnik,
4. Naida Mustafić, dipl.pravnik, viši stručni saradnik.

Član 2.

Osman Ćatić, Načelnik Općine Konjic, ovlašćuje se za potpisivanje pojedinačne prijave i punomoći sa obavezujućom uputom o načinu glasanja po pojedinim tačkama Dnevnog reda na Skupštinama društava sa većinskim vlasništvom Općine Konjic sa jednim od gore navedenih državnih službenika.

Član 3.

Imenovani iz člana 1. ove Odluke imenuju se do isteka mandata aktuelnog saziva Općinskog vijeća Konjic.

Član 4.

Odluka stupa na snagu danom objavljivanja u "Službenom glasniku Općine Konjic" i ima se objaviti na Oglasnoj tabli Općine Konjic.

Predsjednik Općinskog Vijeća
Kenan Greda, s.r

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE

Broj: 03-02-2-2534/21
Konjic, 30.06.2021 godine

Na osnovu člana 35. stav 3. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06, 51/09), člana 17. Odluke o dodjeli u zakup poslovnih zgrada i prostorija Općine Konjic („Službeni glasnik Općine Konjic“ broj 3/11) i člana 16. Statuta Općine Konjic („Službeni glasnik Općine Konjic“ broj: 4/11, 6/11 i 3/20) Općinsko vijeće na sjednici održanoj dana 30.06.2021. godine d o n i j e l o

ODLUKU
o davanju na korištenje poslovnog prostora u vlasništvu Općine Konjic

Član 1.

Gorskoj službi spašavanja – GSS Stanica Konjic, dodjeljuje se na korištenje i upravljanje poslovni prostor izgrađen na građevinskom zemljištu označenom kao k.č. 1158/18-5 K.O. Konjic I, bez naknade. Poslovni prostor se nalazi u naselju Musala, površine 25,00 m².

Član 2.

Poslovni prostor iz člana 1. ove Odluke daje se na korištenje na period od 5 /pet/ godina, od dana potpisivanja Ugovora o zakupu poslovnih prostora, u svrhu obavljanja djelatnosti GSS-a.

Član 3.

Udruženje iz člana 1. ove Odluke za sve eventualne investicione radove i bilo kakvu rekonstrukciju i zahvate na navedenim prostorima dužno je da prethodno pribavi saglasnost Općine Konjic, te nema pravo tražiti bilo kakvu nadoknadu učinjenih izdataka u smislu osmišljavanja datog poslovnog prostora za obavljanje svoje djelatnosti.

Član 4.

Sve troškove koji nastanu po osnovu redovnog održavanja i korištenja prostora (voda, smeće, telefon, električna energija, grijanje) snosi korisnik poslovnog prostora.

Član 5.

Ovlašćuje se Načelnik Općine Konjic da sa imenovanim iz člana 1. ove Odluke zaključi Ugovor o uslovima i načinu korištenju poslovnog prostora.

Član 6.

Odluka stupa na snagu danom objavljivanja u "Službenom glasniku Općine Konjic" i ima se objaviti na Oglasnoj tabli Općine Konjic.

Predsjednik Općinskog Vijeća
Kenan Greda, s.r

1930

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE
Broj: 03-02-2-2535/21
Konjic, 30.06.2021 godine

Na osnovu člana 35. stav 3. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj:49/06, 51/09), člana 17. Odluke o dodjeli u zakup poslovnih zgrada i prostorija Općine Konjic („Službeni glasnik Općine Konjic broj: 3/11) i člana 16. Statuta Općine Konjic („Službeni glasnik Općine Konjic“ broj: 4/11, 6/11 i 3/20) Općinsko vijeće na sjednici održanoj dana 30.06. 2021. godine donosi

O D L U K U
o davanju na korištenje i održavanje sportskog terena "Partizanovo" Konjic

Član 1.

Ovom Odlukom daje se Ustanovi "Sportska dvorana" Konjic iz Konjica, na korištenje i održavanje sportski teren "Partizanovo" u sklopu PSC "Partizanovo" Konjic, Maršala Tita bb, koji je u vlasništvu Općine Konjic, bez naknade.

Član 2.

Sportski teren iz člana 1. ove Odluke se daje na korištenje i održavanje na period od 5 /pet/ godina.

Član 3.

Ustanova "Sportska dvorana" Konjic iz Konjica je dužna da Općini Konjic dozvoli korištenje navedenog terena iz člana 1. ove Odluke za sve manifestacije i aktivnosti od značaja za općinu Konjic.

Član 4.

Imenovani iz člana 1. ove Odluke za sve eventualne investicione radove i bilo kakvu rekonstrukciju i zahvate na navedenom terenu dužni su da prethodno pribave saglasnost Općine Konjic.

Član 5.

Sve troškove koji nastanu po osnovu redovnog održavanja i korištenja prostora (voda, smeće i struja) snosi korisnik sportskog terena.

Član 6.

Ovlašćuje se Načelnik Općine Konjic da sa imenovanim iz člana 1. ove Odluke zaključi Ugovor o uslovima i načinu korištenja sportskog terena.

Član 7.

Odluka stupa na snagu danom objavljivanja u " Službenom glasniku Općine Konjic " i ima se objaviti na Oglasnoj tabli Općine Konjic.

Predsjednik Općinskog Vijeća
Kenan Greda, s.r

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE

Broj: 03-02-2-2536/21
Konjic, 30.06.2021 godine

Na osnovu člana 8 i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06, 51/09), člana 59. Zakona o komunalnim djelatnostima HNK („Službene novine HNK“ broj : 4/16) i člana 16. Statuta Općine Konjic („Službeni glasnik Općine Konjic“ broj: 4/11, 6/11 i 3/20) Općinsko vijeće Konjic na sjednici održanoj dana 30.06. 2021. godine donosi:

O D L U K U
o izmjeni Odluke o komunalnom redu

Član 1.

U Odluci o komunalnom redu Općine Konjic broj: 03-05-12-1615/18 od 14.05.2018.godine („Službeni glasnik Općine Konjic“ broj : 3/18) član 79., tačka 1., mijenja se i glasi :

1. Zona A po m2 mjesečno – 8.50 KM
 - Trg Državnosti Alija Izetbegović i ulica Maršala Tita

Član 2.

Ova Odluka stupa na snagu danom objavljivanja u " Službenom glasniku Općine Konjic " i ima se objaviti na Oglasnoj tabli Općine Konjic.

Predsjednik Općinskog Vijeća
Kenan Greda, s.r

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE

Broj: 03-33-5-864/21
Konjic, 30.06.2021 godine

Na temelju člana 129. stav 1. i 2. Zakona o upravnom postupku („Službene novine Federacije BiH“, broj: 2/98 i 48/99) a u vezi sa članom 54. i 59. Zakona o građevinskom zemljištu Federacije Bosne i Hercegovine („Službene novine FBiH“, broj:25/03) i člana 16. Statuta općine Konjic („Službeni glasnik Općine Konjic“ broj: 4/11, 6/11 i 3/20) rješavajući po zahtjevu Poturković (Ragib) Alije iz Sarajeva, zastupanog po punomoćniku Halilu Gagula, advokatu iz Konjica, Općinsko vijeće na sjednici održanoj dana 30.06.2021.godine d o n o s i

Z A K L J U Č A K o obustavljanju postupka

OBUSTAVLJA SE postupak pokrenut po zahtjevu Poturković Alije iz Sarajeva zastupanog po punomoćniku Halilu Gagula, advokatu iz Konjica, za prenos prava korištenja zemljišta, odnosno saglasnosti za otuđenje nedovršenog objekta, označenog kao k.č. 82/4 k.o. Čelebići upisanog u zk.ul.984 sa pravom korištenja zemljišta radi građenja u korist Mehmed Poturković zbog odustanka podnosioca od zahtjeva.

O b r a z l o ž e n j e

Alija Poturković, zastupan po punomoćniku Gagula Halilu, advokatu iz Konjica, podnio je zahtjev kojim traži da se donese odluka o prenosu prava korištenja zemljišta radi građenja sa Poturković Mehmeda na ime Poturković Alije i to k.č.82/4 zv.”Zapliješ” u naravi pašnjak 3.klase u površini od 197m² upisano u zk.ul.984 k.o. Čelebići.

U zahtjevu je naveo da je Poturković Mehmedu dodjeljeno na korištenje radi građenja zemljište označeno kao k.č.1918/152 k.o. Orahovica(po starom premjeru) a koja po novom premjeru odgovara parceli 82/4 k.o. Čelebići. 1999.god. Poturković Mehmed je Ugovorom poklonio predmetno zemljište bratu Aliji kao čin zahvale zbog pomoći u toku bolesti.

Dana 05.05.2021.punomoćnik Halil Gagula predao je akt kojim obavještava Općinsko vijeće da povlači podneseni zahtjev ,ne navodeći razloge odustanka.

Obzirom na naprijed navedeno, primjenjujući odredbe člana 129. stav 1. i 2. Zakona o upravnom postupku („Službene novine FBiH“, br.2/98 i 48/99) odlučeno je kao u dispozitivu zaključka.

Protiv ovog Zaključka ne može se izjaviti žalba, ali se može pokrenuti upravni spor podnošenjem tužbe Kantonalnom sudu u Mostaru u roku od 30 dana od dana dostavljanja zaključka. Tužba se podnosi neposredno Sudu u dva primjerka.

Predsjednik Općinskog Vijeća
Kenan Greda, s.r

BOSNA I HERCEGOVINA
 FEDERACIJA BOSNE I HERCEGOVINE
 HERCEGOVAČKO-NERETVANSKI KANTON
 OPĆINA KONJIC
 OPĆINSKO VIJEĆE

Broj: 03-02-2-2204/21
 Konjic, 30.06.2021 godine

Na osnovu člana 217. stav 1. Zakona o upravnom postupku FBiH ("Službene novine Federacije BiH", broj: 2/98 i 48/99) i člana 16 Statuta Općine Konjic („Službeni glasnik Općine Konjic“ broj 4/11, 6/11 i 3/20), rješavajući u predmetu ispravke Rješenja, a po zahtjevu JU "Dom zdravlja " Konjic, Općinsko vijeće Konjic na sjednici održanoj 30.06. 2021 godine, d o n o s i

Z A K L J U Č A K

O ispravci Rješenja Općinskog vijeća Konjic broj: 03-02-2-2204/21

1. U nazivu i u dispozitivu Rješenja Općinskog vijeća Konjic, broj: 03-02-2-2204/21 od 28.05.2021 godine, u članu 1. i 2., ispravlja se greška tako da se brišu riječi " člana upravnog odbora" a dodaju se riječi "predsjednika upravnog odbora".
2. Ovaj Zaključak proizvodi pravni učinak od dana od koga proizvodi pravni učinak i Rješenje Općinskog vijeća Konjic, broj: 03-02-2-2204/21 od 28.05.2021 godine.
3. Zaključak se prilaže izvorniku Rješenja i čini njegov sastavni dio.

O b r a z l o ž e n j e

JU "Dom zdravlja" Konjic se obratila Općinskom vijeću Konjic dana 08.06.2021 godine zahtjevom za ispravkom Rješenja Općinskog vijeća Konjic broj: 03-02-2-2204/21 od 28.05.2021 godine, kojim se razrješava dužnosti član upravnog odbora gore navedene ustanove Alem Halilović na lični zahtjev i imenuje se Damir Murić za v.d. člana upravnog odbora, do provedbe konkursne procedure a najduže do 6 mjeseci.

Postupajući po zahtjevu, ovaj organ je izvršio uvid u Rješenje Općinskog vijeća o imenovanju članova upravnog odbora JU "Dom zdravlja" Konjic broj: 03-05-12-2954/18 od 27.02.2019 godine kojim je Alem Halilović imenovan za predsjednika upravnog odbora ispred reda osnivača, te je u Rješenju Općinskog vijeća broj: 03-02-2-2204/21 od 28.05.2021 godine napravljena greška gdje se Alem Halilović razrješava kao član upravnog odbora a Damir Murić imenuje za v.d. člana upravnog odbora, te utvrdio da je zahtjev osnovan.

Članom 217. stav 1. Zakona o upravnom postupku FBiH ("Službene novine FBiH" broj: 2/98 i 48/99) predviđeno je da organ koji je donio Rješenje, odnosno službeno lice koje je potpisalo ili izdalo Rješenje, može u svako vrijeme ispraviti greške u imenima ili brojevima, pisanju ili računanju, kao i druge očigledne netačnosti u rješenju ili njegovim ovjerenim prijepisima.

Ispravka greške proizvodi pravni učinak od dana od koga proizvodi pravni učinak Rješenje koje se ispravlja.

stavom 2. istog člana predviđeno je da se o ispravci donosi poseban Zaključak koji se prilaže izvorniku Rješenja i čini njegov sastavni dio.

Kako se radi o očiglednoj tehničkoj grešci prilikom pisanja, odlučeno je kao u dispozitivu.

POUKA O PRAVNOM LIJEKU: Protiv ovog zaključka nije dopuštena žalba, ali se može pokrenuti upravni spor, podnošenjem tužbe Kantonalnom sudu u Mostaru u roku od 30 dana od dana dostavljanja zaključka.

Tužba se podnosi neposredno sudu.

Predsjednik Općinskog Vijeća
Kenan Greda, s.r

IZDAJE OPĆINA KONJIC

OPĆINSKO VIJEĆE

Tel: +387 36 712 232

SLUŽBENI GLASNIK IZLAZI PO POTREBI